

ETNE KONTROLLUTVAL

PROTOKOLL

Måndag 12. mai 2014 blei det halde møte i Etne kontrollutval under leiing av utvalsleiar Ståle Tungesvik.

MØTESTAD:	Etne Tinghus, formannskapssalen
MØTESTART/-SLUTT:	kl. 13.00 – 15.00
MØTANDE MEDLEMER:	Lars Ebne (Krf), Ståle Tungesvik (Sp), Ivan Kaldheim (H), Trude Enge (Frp) og Elisebeth Aasheim (Ap)
FORFALL:	Ingen
MØTANDE VARAMEDLEMER:	Ingen
FRÅ SEKRETARIATET MØTTE:	Rådgjevar Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Partner/revisor Willy Hauge - KPMG AS
ANDRE SOM MØTTE:	Rådmann Elling Hetland, konst. einingsleiar økonomi Per Rune Kolås, rådgjevar Berit Haaland i sak 08/14 og fung. leiar Drift og vedlikehald Kristin Hagland
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 06/14 GODKJENNING AV PROTOKOLL FRÅ MØTE 10.02.14

Sekretariatet si innstilling:

Protokollen frå møte i kontrollutvalet 10.02.14 blir godkjent slik han ligg føre.

Handsaming i kontrollutvalet 12.05.14:

Protokollen blei godkjent utan merknader.

Samrøystes vedtak i kontrollutvalet 12.05.14:

Protokollen frå møte i kontrollutvalet 10.02.14 blir godkjent slik han ligg føre.

SAK 07/14 REFERAT- OG ORIENTERINGSSAKER 12.05.14

7. Statusrapport pr. mai 2014
8. Kom. styrevedtak 25.02.14, sak 01 – Forvaltn. rapport – Målstyring
9. Kom. styrevedtak 25.02.14, sak 06 – Oppfølging av rapport – Øyane ASVO
10. Kontrollrapport 2013 vedk. skatteoppkrevjarfunksjonen – frå Skatteetaten
11. Representantskapsmøte – 04.04.14 - Samarbeidsrådet for Sunnhordland
12. Representantskapsmøte – 20.05.14 - Interkommunalt arkiv Hordaland IKS
13. Representantskapsmøte – 25.04.14 – Haugaland Vekst IKS
14. Representantskapsmøte – 28.04.14 - Haugaland Kontrollutvalgssekretariat IKS
15. Representantskapsmøte – 21.05.14 - HIM IKS
16. Representantskapsmøte – 28.05.14 – Krisesenter Vest IKS

Handsaming i kontrollutvalet 12.05.14:

Sekretær gjorde greie for referatsakene. Ingen merknader.

Samrøystes vedtak i kontrollutvalet 12.05.14:

Kontrollutvalet tek referatsakene 7–16 til orientering.

SAK 08/14 ETNE KOMMUNE SIN ÅRSREKNESKAP FOR 2013 – KONTROLLUTVALET SIN UTTALE

Sekretariatet si innstilling:

Kontrollutvalet i Etne har fylgjande/ingen kommentarar til årsrekneskapen for 2013 og vedtek uttale slik den ligg føre/ med desse endringane/tillegga:

Kontrollutvalet ber rådmannen gje ei skriftleg tilbakemelding til utvalet innan 01.09.14 på korleis merknadane i årsoppgjersbrevet er følgd opp.

Handsaming i kontrollutvalet 12.05.14:

Leiar innleia kort. Rådmannen gjorde greie for hovudtala i rekneskapen med utgangspunkt i årsmeldinga. Rekneskapen viste at kommunen hadde eit mindreforbruk i 2013 og at det økonomiske resultatet var innafor anbefalte normer.

Rådmannen gjorde greie for avvik frå revidert budsjett både på inntekts- og kostnadssida. Budsjettdisiplinen var jamt over god, høgast meirforbruk hadde det vore innan pleie og omsorg, og barnehagane. Gjeldssituasjonen vart også gjort greie for.

Revisor orienterte om deira arbeid. Det var avlevert ein rein revisjonsmelding og i årsoppgjersbrevet, som blei delt ut i møtet, var det berre tatt opp mindre alvorlege forhold. Det gjaldt mellom anna regulering av budsjett. Utvalet ønskte at rådmannen gjer ei tilbakemelding på revisor sitt årsoppgjersbrev innan 01.09.14.

Samrøystes vedtak i kontrollutvalet 12.05.14:

Kontrollutvalet i Etne har ingen kommentarar til årsrekneskapen for 2013 og vedtek uttale slik den ligg føre.

Kontrollutvalet ber rådmannen gje ei skriftleg tilbakemelding til utvalet innan 01.09.14 på korleis merknadane i årsoppgjersbrevet er følgd opp.

SAK 09/14 ORIENTERING OM EINGANE – DRIFT OG VEDLIKEHALD

Sekretariatet si innstilling:

Etne kontrollutval tar fung. leiar Drift og vedlikehald sin presentasjon om resultateininga drift og vedlikehald til orientering.

Handsaming i kontrollutvalet 12.05.14:

Leiar innleia om kvifor utvalet ønskjer å få ei orientering frå administrasjonen på kvart møte framover. Hagland orienterte om eininga og deira mange oppgåver. Det var utarbeida prioriterte lister for vedlikehald både innan veg, bru og kai, samt for bygg. Eininga jobba med fleire store prosjekt, og nokon ville ta fleire år å fullføra. Hagland gjorde greie for talet på tilsette og at det ikkje var tilstrekkeleg med folk eller midlar for å gjera alle dei oppgåvene det eigentleg var trong for. Det var eit stort vedlikehaldsetterslep fleire plassar. Utvalet hadde nokre spørsmål underveg. Leiar takka for ein god og grundig orientering.

Samrøystes vedtak i kontrollutvalet 12.05.14:

Etne kontrollutval tar fung. leiar Drift og vedlikehald sin presentasjon om resultateininga drift og vedlikehald til orientering.

EVENTUELT

Ingen saker blei meldt.

Neste møte: 22.09.14, kl. 13.00

Etne/Aksdal, 12.05.14

Ståle Tungesvik
Kontrollutvalsleiar



Odd Gunnar Høie
Utvalssekretær